



Պարույր Սևակ

Հորդոր

Դիմավորեցեք... կասկածը: Նա է
Թակում ձեր դուռը:
Նա է, հենց ի՛նքը:
Դիմավորեցեք և մի՛ վախեցեք.
Ես նրան արդեն ընդունել վաղո՛ւց
Եվ մինչև անգամ ճամփել եմ կրկին:
Դիմավորեցեք նրան ծիսաբա՛ր՝
Նոր ու հնօրյա Տերընդառաջո՛վ՝
Ձեր իսկ կրծքի տակ վառելով խարույկ.
Որպեսզի... եթե ընդմիջտ չչքվի,
Ապա գեթ ճեղքվի մութը ձեր հոգու:
Դիմավորեցեք նրան գեթ հիմա՛,-
Ես նրան վաղո՛ւց ճամփել եմ արդեն:
Դիմավորեցեք... կասկածը: Ես իր
Ո՛չ մունեստիկն եմ, ո՛չ էլ մարգարեն:
Իր երախտապարտ փրկյա՛լն եմ ես լոկ:
Դիմավորեցե՛ք, քանզի ամենքիս
Լոկ հավա՛տք է պետք, ո՛չ հավատալիք:
Լոկ հավա՛տք է պետք, ո՛չ հավատալիք...

11.II.1963թ. 28.VIII.1965թ.

Երևան Չանախչի